



ՌԱՖԱԵԼ ՊԱՏԿԱՆՅԱՆ

Բանաստեղծություններ



aegitas



Ռ-ափայել Պատկանյան Բանաստեղծություններ

http://www.litres.ru/pages/biblio_book/?art=24429798

Բանաստեղծություններ:

ISBN 9781772467024

Аннотация

Պատկանյանի մոտ 50 մանկական բանաստեղծությունների մեծ մասը սերտորեն առնչվում էր իր պոեզիայի ընդհանուր մոտիվներին, ելնում հայրենասեր քաղաքացի դաստիարակելու նպատակադրումից: Օրինակ, «Օրորոցի երգը» բանաստեղծության մեջ հոգնատանջ մայրը հրավիրում է գանգազան թռչունների: Պատկանյանը պահանջում էր մարտական դաստիարակություն, որովհետև ըստ նրա երեխան պետք է դառնար հայրենասեր, հայրենիքի մարտիկ: Պատկանյանի հասարակական – քաղաքական հայացքների հետ անմիջականորեն կապված «Մեծ» եւ «Արաքսի արտասուքը» բանաստեղծությունները վաղուց մտել են մանկական գրականության շարքեր: «Արաքսի արտասուքը» բանաստեղծության մեջ ոտանավորի իմաստը թանձրացվում է Արաքսի ավերով քայլամուր շրջող հեղինակին Արաքսի կողմից տրված պատասխանում: Այստեղ Պատկանյանի խոհն արտահայտում է վշտահար Արաքսը, որ պատմում է իր «բյուրավոր ցավերը», հիշում անցյալի փառավոր օրերը: Չուտ մանկական բանաստեղծություններից ուշագրավ

են Պատկանյանի «Ճար», «Գութ», «Ձմեռ», «Պտուղներ» ստեղծագործությունները, որտեղ հեղինակը դրսևորում է իր ամբողջ հումանիզմը եւ մտահոգությունը հայ ազգի ճակատագրի նկատմամբ: «Պտուղներ» ոտանավորի մեջ պտուղներն ականա հիշեցնաում են նան հայրենիքը: Սոցիալական խնդիրներին անդրադարձող «Ձմեռ» եւ «Ներ տարի» ոտանավորներում Պատկանյանը մանկան գվարճության կողքին հիշում է նաեւ նրա կարիքավոր լինելը: Պատկանյանը շարունակում է Աբովյանից սկսվող լուսավորության եւ ուսման թեման: Այդպիսիք են «Ամենամեծ անբախտություն», «Խելոք երեխան», «Ժրաջան տղան», «Վարժատուն» բանաստեղծությունները:

Содержание

ՋԱՐՄԱՅՐ ԵՎ ԱՆՏԱՊԵՏԻ ՄԱՀԸ	5
ՇԻՆԱԿԱՆԻ ԱՌԱՎՈՏՅԱՆ ԵՐԳԸ	11
ՇԻՆԱԿԱՆԻ ԵՐԵԿՈՅԱՆ ԵՐԳԸ	13
ՕՐՈՐՈՑԻ ԵՐԳ ԳՅՈՒՂԱԿԱՆ ԱՅՐԻ ԿՆՈՋ	15
ՈՒՆԱՅՆՈՒԹՅԱՆ ՎՐԱ	18
ԳԱՆԳԱՏ ԲԱՂԴԵՆ	19
ԻՄ ՔՆԱՐԻՆ	22
ԻՄ ԵՐԳԸ	23
ԵՐԿՈՒ ՔՈՒՅՐ	25
ՕՐՈՐՈՑԻ ԵՐԳ	28
ԱՂԵՆ ՏԱՆՆ Է	30
ՀԱՅ ԵՎ ՀԱՅՈՒԹՅՈՒՆ	32
ԱՐԱՔՍԻ ԱՐՏԱՍՈՒՔԸ	35
ԵԿԱՐԻՉ	40
Конец ознакомительного фрагмента.	42

Ռաֆանել Պատկանյան Բանաստեղծություններ

ԶԱՐՄԱՅՐ ՆԱՀԱՊԵՏԻ ՄԱՀԸ

Անպը եկավ ծածկեց սարերն ու ձորեր,
Զէր տեսնվիլ պատերազմի դաշտերը,
Մեզ մառախտոլ կիջներ Իդա լեռներեն,
Գիշերային մութը պատեց դիերը:
Հյուսիսային հողմը փչեց սաստկազին,
Հագարամյա կաղնին շարժեց դողացուց,
Անպի միջեն փայլատակեց փայլակը,
Ակոսի պես պատռեց խավար երկինքը,
Դիակներու հրոնշյունը չէր լավիր,
Քամին հեռու կտաներ սաստիկ փչելով,
Անպի գոռալն կողըրդեր երկիրը,
Մրրիկ, կայծակ խառնակված էր օդումը:
Հեովանց կու գայր լաց ու սգո ձայները,
Տրոյացվոց և կամ հունաց բանակին,
Ամենեքյան յուրյանց մեռելն կ'պտռեն,
Այն չար օրը շատ կոտորվածք էր եղել:
Ճրագներով, լապտերներով կու պտռեն,
Մարդոց, որդվոց մարմինները կանայքը,
Ոմանք շալկած կը տանեին մեռելը,
Որն որ առաջ կու գտնեին արյան մեջ,

Ով ուներ տեր կու գտնվեր դիակը,
Դագաղներով կը տանեին այրելու,
Մայրը, քույրը, կինը, դուստրը միասին,
Յուր մեռելի կու տան վերջին պատիվը:

Անպերու մեջ չկան աստղեր, խավար է,
Սև քող պատյալ սգավոր է երկինքը,
Քամին փչեց լապտերներուն՝ մթնացավ,
Պատերազմի տեղը բռնեց լուսթյուն:
Բայց հեռուն այն ի՞նչ լույս որ կերևի,
Իդա սարի կողմեն մեկ լույս կը փայլե,
Լույսն անդադար շարժման մեջ է քամինն,
Այլ կվառվի և չորս կողմը լույս կու տա:
Սարի տակը կու երևի մեկ ճրագ,
Որ լապտերով կախված էր այն կաղնինն:
Արդյոք ո՞վ կա այն մութ գիշեր այն տեղը,
Երևի որ պտտող շունի, անտեր է:
Կաղնո տակը փռած էր մեկ լայն մորթի,
Կամ առյուծի էր այն, ընձու, կամ վագեր,
Վրեն պառկած էր կարեվեր քաջ գինվոր,
Մահու քրտինք տվել էր բոլոր մարմինը:
Երկու ձեռքով բռնել էր յուր մեկ կողքը,
Կամենում էր յուր արյունը դադարեցնել...
Միտքը բերեց յուր սիրելի Հայաստան:
Հոգվոց հանեց ցաված սրտի խոր տեղեն:
Միտքը բերեց յուր կարոտյալ հայրենին,
Նորոգվեցան յուր խոցերու ցավերը,
Արյունը հորդ բխեց խոր-խոր խոցերեն,
Այլ չմնաց այնուհետև կենաց հույս:

Վեր նայեցա՛մ, տեսա՛մ լուսով լապտերի,
Ծառի ճյուղքեն կախված էր յուր աղեղը,
Կապարճը լի նետյութ ընկած գետինը,
Սուրը մոտն էր, բայց անպիտան՝ յուր տիրոջ:
Մոտը կանգնած էր միայն յուր երիվայր,
Շուտ-շուտ շնչով խրխնջալով կը փչեր,
Ոտքով հողը փորփորելով վեր ու վայր,
Յուր տիրոջը ցավոց կլիներ ցավակից:
Առանց ձայնի, առանց լեզվի, որպես թե
Կասեր տիրոջ հավատարիմ կենդանին.
– Մի՛ պառկիր դու այս մութ, խավար դաշտումը,
Մի՛ մնար դու այս կաղնու տակ այս գիշեր:
Վե՛ր կաց, հեծիր շուտ իմ վրեն, ի՛նչ իշխան,
Ես կը տանեն քեզ քո երկիր հայրենի,
Ես չորս ոտքրս կը տարածեն գետինը,
Կը ցածացնեն մեջքս, որ դու հեշտ նստիս:
Ես բերնովս կը բռնեն քո թևիցը,
Կը բարձրացնեն, կը լինին քեզ օգնական,
Մի՛ մնար այս օտար, հեռի երկրումը,
Երթա՛նք հասնինք քո հայրենին Հայաստան:
Ա՛խ քաշեց այն սաստիկ խոցված Ջարմայրը,
Չուր բոց բխեց խորոց հոգվույն և սրտին:
Վազեց արյուն լայնաբերան խոր խոցեն,
Խավար մահու պատեց աչքին և սրտին:
– Ասաց՝ արի՛, իմ քաջ ընկեր մտերիմ,
Արի՛, ազնիվ իմ երիվար, իմ նըժույգ,
Ես չեմ կարող մյուս անգամ քեզ հեծնել,
Թամբիդ վերա առաջվա պես այլ նստել:

Ասպանդակիդ այլ չեն կարող ոտ դնել,
Եվ ոչ ձեռքով սանձդ բռնել մետաքսյա.
Այլ չեն կարող քեզ հետ շրջիլ սար ու ձոր,
Պիտի մնամ կարոտ կանանչ դաշտերուն:
Քանի՞ անգամ մենք պատերազմ ենք տեսած,
Քեզ հետ մտել, քեզ հետ ողջմամբ դուրս եկած,
Ինձ շատ անգամ ծառայել ես մտերիմ,
Մեկ անգամ ևս կատարյա իմ պաշտոնը,
Մեկ մոտ արի, ա՛ն իմ հետին ողջույնը,
Սանձդ առնում այդ աներկյուղ քո գլխեն,
Մեկ համբուրեմ արտասովալից աչքերըդ,
Իմ ողջույնս տար հայրենի մեր երկիր:
Գնա՛, դարձի՛ր, շուտով հասիր Հայաստան,
Որուն կարոտ պիտի մընամ այս տեղը
Գընա մեր տուն, Արմավիրին տար համբավ,
Որ չըսպասե յուր իշխանի դառնալույն:
Որդվույս տեսնես, ասա՛ չունիս այլ դու հայր,
Հայաստանն է այսուիհետև քո ծնող,
Ասա՛ հայոց ձեր նահապետը Չարմայր,
Գետին դրեց յուր երկսայրի սուսերը:
Ասա՛ հայոց ձեր նահապետ Չարմայրը
Ձեռին չունի ահեղ գեղարդ և վահան,
Ասա՛ հայոց ձեր նահապետ Չարմայրը,
Այլ չէ կարող հրբաման տալ յուր գորաց:
Ասա՛ հայոց ձեր նահապետ Չարմայրը,
Չէ առաջնորդ քառսուն հազար բանակի.
Քաջ հայերը ցիրցան եղան դաշտի մեջ,
Ոչ ոք տեսավ յուր իշխանի մեռնելը:
Բայց երբ տեսնես դու նորահարս սևորած,

Որ գրկի մեջ մեկ հատ տղա ունենա,
Որ աչքերեն թափում լինի արտասուք,
Ու դաշտի մեջ պտոռում լինի գերեզման,
Ու իմ անունս հիշում լինի անդադար,
Ու երեխին ասում լինի մշտապես,
Թե դու որք ես ու հայր չունիս աշխարհի,
Այտուհետև քեզ չի ճանչընար Հայաստան.
Այտուհետև դու մի՛ տեսնիր Արմավիր,
Այտուհետև մի՛ հիշիր դու այն օրը,
Որ քեզ իշխան ազգի կոչեց Հայաստան, —
Իմացի՛ր, որ նա իմ կինն է խղճալի:
Մենակ նըրան մի՛ պատմիր դու իմ մահը,
Նա չէ կարող լսել այդ սև համբավը,
Թող չկաթե նորա աչքեն արտասուք,
Թող թաց չանե նա արտասվոք սև հողը:
Նըրան ասա՛, իմ սիրական սիպտակ ձի,
Թե քո մարդը օտար երկիր հեռավոր,
Ա՛յլ գեղեցիկ աղջրկան հետ պըսակվեց,
Քեզ մոռացավ, ո՛չ հիշեց քո անունը:
Ասա՛ նըրան, իմ սիրական սիպտակ ձի,
Թե քո մարդը Իդա սարի տակունը,
Նըշանածին առավ գիրկը պառկեցավ,
Աչքը խրվեց, քաղցր քնով քնեցավ:
Ասա՛ նըրան, իմ սիրական սիպտակ ձի,
Թե քո մարդը փեսայի պես պառկեցավ,
Հարսանիքն էր Իդա լերին հովտաց մեջ,
Հարսնարանը դիակներով զարդարած,
Առագաստն էր երկնից կապույտ կամարը,
Ճրագները՝ հրեղեն փայլակ և կայծակ,

Անկողինն էր սառն ու խավար գեջ հողը,
Նվագարան՝ ամպոց ահեղ գոռալը:
Մատանին էր լայնաբերան գեղարդը,
Հարսնացուն էր անհաղթելին Աքիլլես,
Փեսավերն էր հին բարեկամ Մեմնոնը,
Եվ հարսնաքույր՝ Պանթագեղե Անագոն:
Իմ զարդարանք եղավ կարմիր արյունը,
Ողջագուրանք՝ դիոց մահու հրոշմչյուն,
Նշանվեցա սուր սլաքոք նետերու,
Պսակվեցա պողովատիկ սուսերով:

ՇԻՆԱԿԱՆԻ ԱՌԱՎՈՏՅԱՆ ԵՐԳԸ

Ա՛յ մարդ, այսօր շուտ քրնեցար, ննչեցիր,
Առավոտյան հով ժամանակն անցուցիր.
Արեգակը ծովի ծայրեն ծագեցավ,
Ջերմությունը ձորն ու դաշտը փրովեցավ:

Ընկերներիդ վաղ արտերը գնացին,
Տորեն, գարին գերանդիով հրնձեցին,
Խուրճ կապեցին, բարդ բարդեցին դաշտումը,
Նըստան հանգչիլ կաղնիների հովումը:

Ա՛յ մարդ, վե՛ր կաց, սառը ջրով լվացվի՛ր,
Գոտիդ կապե, գերանդիդ ա՛ռ, դաշտ հասի՛ր,
Քանի հով է՝ հունձըդ արա արտումըդ,
Հունձըդ հրնձե, մի՛ ծուլանար գործումըդ:

Խուրճըդ կապե, բարդըդ բարդե, տուն արի,
Հանգստացիր, երբ քո հունձըդ կատարի.
Բե՛ր գերանդիդ, կախե՛ պատեն քո տանը,
Ես իրիկվան կը պատրաստեմ սեղանը:

Ա՛ մարդ, հերիք ինչ որ այսօր քնեցար,
Աչքըդ մեկ բա՛ց, տես թե ո՛րչափ ուշացար,
Մեր դրացին վաղ անցկացավ կամուրջեն,

Վաղ լըռել է մեր գգիլը ձայնելեն:

Ի՞նչ ես պատկել, ի՞նչ ես քնել, սիրական,
Արեգական շողը հասավ մեր դըրան,
Մի՛ ծուլանար ժամանակդ խնայե՛,
Այն պիտի մեզ բոլոր ձմեռը կերակրե:

ՇԻՆԱԿԱՆԻ ԵՐԵԿՈՅԱՆ ԵՐԳԸ

Մարդըս եկավ, եկավ դաշտից՝ դաշտիցը,
Կանաչ դաշտից, դալար դաշտից տուն եկավ,
Տուն եկավ ու դուռը դռեց՝ նըստեցավ,
Շալկին խուրձ էր, խուրձ՝ ցորենի արտիցը:
– Խուրձըդ վե՛ր դիր, թո՛ղ բաց անեն թոկերը,
Մեջքեդ առնում այդ սուր, այդ սուր գերանդին,
Սուր այդ, սուր այդ գերանդիով հնձել ես,
Հընձել ես ու խուրձ կապել ես ցորենը:
Ա՛խ, ճակատըդ թաց է եղել քրտինքով,
Թո՛ղ ճակատըդ, թող որ սրբբեն իմ ձեռով.
Իմ ձեռովըս գոտիդ բացեն՝ խուրձըդ առնում իմ ձեռով,
Խուրձըդ առնում՝ ծանրը բեռըդ շալակեդ:
Սառը ջըրով ձեռըդ լըվա՛, ոտքըդ լվա, երեսըդ,
Ձեռքիդ, ոտքիդ ես ջուր կածեն, երբ լվանաս երեսըդ.
Սըրբե՛ ձեռքով քո երեսեդ քըրտինքըդ.
Գլուխդ լվա՛ սառը ջըրով, ձեռքըդ, ոտքըդ, երեսըդ:
Ես քեզ համար հաց թխեցի, սիպտակ, փափուկ
գարեհաց,
Ես քեզ համար պատրաստել եմ կաթն ու կարագ ու
պանիր,
Գառան մըսեն շամփրի վըրա խորոված,
Կասկարայով գառան միսը տապակած:
Կուժը լիքը կարմիր գինին դըրած է,

Իմ ձեռագործ կըտավ սուփրան փրոած է.
Ձեռըդ լվա՛. հանգստացի՛ր իմ սիրակա՛ն ամուսին
Լուսնյակը երևում է երկնքումը փայլելով,
Պատուհանեն լույս է ձգել սուփրի վըրա շողալով,
Երևում է հացն ու կաթը, պանիրը,
Երևում է կարմիր գինվո սափորը.
Մեկ ես, մեկ դու, մեկ պահապան հրեշտակը,
Ուտենք, խմենք, ու գոհանանք արարչեն,
Հանգստանանք աշխատանքեն, որ քաշեցինք ցերեկը:

ՕՐՈՐՈՑԻ ԵՐԳ ԳՅՈՒՂԱԿԱՆ ԱՅՐԻ ԿՆՈՋ

Քընե՛, քընե՛, սիրուն որդի, քու մոր սըրտին ըսփոփանք,
Քեզ օր կասեմ տըխուր ձենով, օր-օր, օրեր ու շատ կյանք:
Օրորոցըդ ձեռով շարժեմ, բերնով երեսդ համբուրեմ,
Քեզ շատ օր-օր, քեզ շատ օրեր, քեզ շատ արև կու երգեմ:
Աչքըդ փակե՛, այդ լուսափայլ աստղի նըման փայլածը,
Որ մինչև այդ երկնքումը երևում է ցուածը:

Աչքիդ շողը սիրտս է ծակում, նորոգում է իմ խոցը,
Աչքըդ փակե՛, իմ սիրական հերի՛ք սըրտիս այրածը:
Աչքըդ փակե՛, քաղցր քընե՛, քեզ օր կասեմ ես լալով,
Հորըդ բանը իմաց կանեմ, դու ականջ դիր նիրհելով.
Հայրըդ գորեղ երիտասարդ, առավ բակեն գութանը,
Լըծեց երկու գույգ եզները իր սրածայր արորը.

Գընաց դաշտը երգ հնչելով, երգ ասելով և լալով:

– Ինչի՞ համար սուգ ես անում, սուգ արտասվոք և լալով,
Ասաց հորըդ հարևանը՝ աչքեն առուք վագելով.

Եզներըդ գեր, գեր ու պարարտ վագ ի վագ են դեպ
դաշտը

Շա՛տ կու վարեն, շա՛տ կու հերկեն, շա՛տ կու կամեն քու
արտը,

Արեգակը մայր չի մտած դու կը դառնաս արորեն,

Քեզ Չանանը առաջ կու գա գրկիւմ բրոնած երեխեն:

Գորգին երգով հարևանին այսպես տվեց պատասխան.

«Եզներըս չեն ինձ մնալու, իմ աչքի լույս հարևան.
Օրավարըս ես չեն կարող այսօր վերջը հասցընել,
Պիտի մնա հող ու արտըս անվարուցան, անայցել.
Դիակիս մոտ գեր ու պարարտ իմ եզները վիզը ծուռ
Պիտի մնան, թե ո՞վ նոցա երեկոյին կու տա ջուր»:
Հարևանը աչքը արցունք մեզ սև համբավը բերեց.
Թե՛ շո՛ւտ արեք, եկեք տեսեք, թե ձեզ Գորգին ի՞նչ արեց:
Ի՞նչ ես արել, գանք ու տեսնենք, վա՛յ մեր անբախտ
աչքերուն,

Նետը ցրցված է սրբոտիդ մեջ, տակըդ ճապաղ քու արյուն:
Նետը ցրցված քու սրբոտի մեջ, օդը ճեղքեց, գիծ արավ.
Գիծը սև էր երկնքումը, աչքըս ծառի մոտ տարավ,
Ծառի հետնեն թաք կեցած էր մեր գեղացվոց թըշնամին,
Մեր գեղացվոց հին ատելին, տավարի գող Եգիդին:

Դու սիրական սիրուն որդի, քրնե՛, քրնե՛, գորանաս,
Քու մոր համար մըխիթարիչ ու ըսփովիչ մեծանաս:
Միտքըդ պահե քու հոր արտը, գեր ու պարարտ եզները.
Միտքըդ պահե մաճն ու սամիք և սրբածայր արորը.
Երբ մեծանաս, երթաս դաշտը, ուզես վարել քու արտը,
Քու մոր համար ուսով բերել ցորնի խուրճը ու բարդը,
Առաջ գրնա՛, գետը անցիր այն սրբահոս Արաքսեն,
Գրնա՛ գրտի՛ր այն Եգիդուն, որ այն ծառի ետևեն
Նետը քաշեց, օդը պատռեց, քու հոր կյանքը սև արեց.
Թո՛ղ Գորգիի եզները տա, որ այն օրը փախցրրեց:
Գեր ու պարարտ քու եզները սայլի՛ն լծե, սիրական,
Դարձի՛ր սրբե՛ քու մոր աչքեն այս արտասուք
տըրտմության:

Քաղցր ձենով երգ հրնչելով, երգ երգելով տու՛ն արի...

Ա՛խ, ե՞րբ կըլնի, որ մեծանաս – իմ բաղձանքը կատարի:
Այժմ քրնե՛, աչքրդ խըփե՛, հանգստացի՛ր, օր-օր-օր.
Թող քու մայրը աչքեն թափե արտասուքը յուր հորդոր:

ՈՒՆԱՅՆՈՒԹՅԱՆ ՎՐԱ

Ի՞նչ ես ջարդում անձրդ, է՛յ մարդ, ցավերով,
Գլխիդ բարդում գանձրդ անթիվ նավերով.
Արի՛, աղբեր, իմ խրատին դու մի՛տ դիր,
Հոգս ու ջաֆեդ ա՛ն քեզանից ու ե՛տ դիր:

Մերկ ու թեթև դու էս աշխարհ եկել ես
Բեռան տակը մեջքրդ ինչո՞ւ թեքել ես,
Ժանգ արծաթի խաթրին դու քեզ գերել ես,
Գեղին ոսկու սիրուն հոգվով մեռել ես:

Դիպակ շորեր, անգին քարեր, գանձ ու գահ
Ե՞րբ ես տեսել, որ մարդուս անեն անմահ,
Նահախ պըտրում ես արծաթի մադանը,
Որ արժան է օխտը գազ քու քաթանը:

Էսօր, էգուց քեզ կու գրկե պատանքը
Ու չի փրկիլ մահից ոսկին, ո՛չ հանքը:

ԳԱՆԳԱՏ ԲԱՂԴԵՆ

Ա՛յ իմ չար բախտ, քեզ ի՞նչ ասեմ, արդյոք քեզ ի՞նչ անուն տամ,

Թե կույր ասեմ՝ իրավ կույր ես, բայց այդ դեռ չէ բավական.

Դու անմիտ ես, դու հիմար ես, նախասնձոտ ես չափազանց,

Դու աստված չե՛ս, ինչպես կոչեց քեզ հին դարը դյուցազանց,

Կույր է և քո թշվառ կյանքը և այդ պաշտոն տվողը,

Ոչ բախտ, այլ աղբ քեզ չէի տալ՝ պարարտացնել կոշտ հողը,

Այդպե՛ս խրդճով կատարում ես Արամազդա պատվերը,

Ա՛խ, թե ի՞նչեր նա երկնիցը, տեսների առատ հունձերը

Քու այլանդակ սերմնացանին, էլ ի՞նչ սուր-սուր նա սլաքներ

Պիտի շաղ տար քու գրլխին...

Քեզ շատ անգամ ես տեսել եմ երիզապինդ աչքերով,

Կու՛յր ես արդյոք, թե՞ գիտությամբ ման ես գալիս այդ կերպով.

Բայց կուզեի, որ դու մեկ օր հանգամանքե ըստիպված՝

Այս աշխարհքը ծայրե ի ծայր մեկ ժուռ գայիր աչքաբաց,

Ի՞նչ ահարկու տեսարաններ պիտի բացվեր քո աչքին

(Տրնորամիտ արարքովրդ լի են երկիր ու երկին). —

Կը տեսնեիր մոլի վագրեր հովիվ դրած հոտերուն,

Նենգ աղվեսներ, անհագ գայլեր միշտ անպակաս մոտերուն.

Կը տեսնեիր դու ժիր մեղվանց բունը՝ արջի քանդելը,
Բյուր մի անմեղ միջատների հացը՝ ծուլլի ուտելը.

Կը տեսնեիր դու վարուժան մենակ վու՛-վու՛ն կարդալիս

—

Նա իր սիրուն աղունակի կարճիկ կյանքիկն է լալիս,
Ամպի մեջեն վեր սլացավ սրբաշ շահեն դեպի ծառ,
Բռնեց սիրուն աղունակին, անխիղճ արավ չորս պատառ:
Թողնենք մի կողմ անբաններին՝ բանականի մեջ մտնենք,
Նույն զրրկանքը, նույն նեղություն անշուշտ, և հոն
կըգտնենք,

Տե՛ս դու, թշվառ հողագործի գարնանային վաստակը —
Լափլիզեցին մարախները ցորնու նործիլ հասակը.

Դորա ներհակ՝ նավահանգիստ մտավ նավը
փարթամին,

Ո՛չ մի վնաս չի հասցրուց նորան ուռուցիկ քամին:

Տե՛ս այս խղճուկ իմ կըտրիճիս – առույգ, պարկեշտ ու
գիտուն,

Բայց հորական փող չունելով՝ հաճելի չէ՛ ամենուն.

Սորան հավասար չեն հարգում իշխանին կամ հարստին,

Բացեիբաց հեռանում են, որ սորա մոտ չի նըստին,

Այլ նստում են նորա մոտը, որի ջիբը ոսկի կա,

Չեն ամաչիլ աստված ասել հարստին, թե խոսքի գա...
Ասա՛, խնդրեմ, ինչո՞վ մեղավ այն խեղճ գիտուն

պատանին,
Մի՞թե աղքատ աշխարհի գալը մարդիկ հանցանք
համարին.

Դըդմագլուխ իշխանորդին ինչո՞ւ ի վեր դասեցավ,

Սուրբատեսի՞ արդյոք լեզվով հանկարծակի խոսեցավ...
Ահա՛, այսպես չարութենով լցրել ես դու աշխարհքը,
Մի՞թե չես գալ սարսափանքի՝ տեսնելով քո արարքը:

ԻՄ ՔՆԱՐԻՆ

Արի՛, քնա՛ր Ափրոտիտա, հնչե նորեն իմ ձեռքին,
Ինչո՞ւ ընդ վայր կախ ես կեցած դու գլխաքաշ մունջ
պատին,

Ինձ պատվիրեց Անակրեոն լինել յուր ընտիր ժառանգ.
Եվ այն անմահ յուր տաղերուն տալ անընդհատ
արձագանք.

Բայց ի՞նչ դու շուտ վիատեցար, կոշտ խուժանի
խոսքերեն,

Որք եղել են միշտ անարդար հենց Արամի օրերեն.

Ուշ մի՛ դնիլ դատաստանին խակամիտ <հիմա>րին,

Թե չէ, դու էլ ընկնելու ես, խղճուկ սոխակի օրին.

Հնչե՛ ազատ, քեզ չէ դրած՝ ո՛չ նեղ սահման, ո՛չ կոպար,

Ձայնըդ ձրգե, դեպի երկինք, թող քեզ լսե դիփ աշխարհ,

Թո՛ղ ծիծաղի և կամ թո՛ղ լա, թո՛ղ սարսափի, գմայլի,

Իսկ անազատ մեր աստղիկը միշտ վառ ու վառ կըփայլի.

Նա կփայլի քանի ամալը նորան չի՛ ծածկել քողով,

Մի՛ գարհուրիլ, շուտ կըցրվի թեթև ամալը մեղմ հողմով,

Ա՛նձն իմ, օրհնե՛ այն աստվածը, որ շնորհել է քու բաժին՝

Ո՛չ գանձ, ո՛չ թագ, այլ յոթնադի անուշ քնար մուսային:

ԻՄ ԵՐԳԸ

Հեռացել եմ իմ մայրենի աշխարհից,
Մերտ բարեկամք անջատած են ինձանից.
Թառամուն եմ ես այս օտար երկրումը,
Մենակ բըսած ծաղկի նման դաշտումը:
Կամաց-կամաց տարիները անցնում են,
Մեզ նորոգած գարուն ամառ դարձնում են.
Միայն մեր խեղճ կյանքը չունի ոչինչ նոր,
Ինձ երեկը կըրկընվում է միշտ այսօր:
Ասպարեզիս նեղ է ճամփան ու փրշոտ,
Խեղճությունս համարում եմ ինձ ամոթ.
Իմ վիճակին կարեկցություն մարդ չունի,
«Դա, ասում են, իր կյանքումը դարդ չունի»:
Ես դարդ ունիմ, դարդըս մեծ է ու պես-պես,
Բայց չեն տեսնում ձեր աչքերը կարճատես:
Երբ ես մըտա անհյուրընկալ այս աշխարհ,
Քանի թոպե բախտը ժըպտաց ինձ պայծառ.
«Հա, ասացի, դարձել է իմ անիվը,
Լըրացել է իմ վատ բախտի շար թիվը»:
Հանկարծ՝ փրչեց անտուժելի հյուսիսին,
Թառամեցուց վարդ, մանուշակ մայիսին.
Այսպես չորցուց իմ նագելի հասակը,
Իմ անողորմ, անագորույն վիճակը:
Ա՛խ, մոտեցիր, օրհասական օ՛ր մահվան,
Բե՛ր քու հետը սև հող ու նեղ գերեզման,

Թո՛ղ սատ լինի իմ նոր տանը հատակը,
Ծանր քարե՝ վրաս ծածկած վերմակը:
Բայց, ա՛խ, երբ որ կանցնի ամիս ու տարի,
Կը մամռտի գերեզմանը այն քարի,
Հետը անգամ չի մընալու իմ խաչին,
Իմ անունը, իմ հիշատակ – կրկորչին.
Բայց կուգեի թողնել այստեղ մի արձան,
Որ դարեդար մընար ամուր, անկործան...
Ես երգեցի երգ ոլորուն ու անուշ,
Իմ քնարի ձայնն էր մեղմիկ ու քընքուշ.
Մի՞թե այնքան անգութ կլինի Լեւոս գետ,
Որ անունըս անգամ կանեն նա անհետ:

ԵՐԿՈՒ ՔՈՒՅՐ

Նմանություն

Նվեր Միմիոն Ամբարդանյանին

Մեզնից շա՛տ առաջ կար մի թագավոր,
Հոգվով դեռ արի, գլխով ակտոր,
Մեծ ծով էր պատել նորա աշխարհը,
Ոսկի ասացին գիտունք այն դարը,
Ուներ նա երկու մատաղհաս աղջիկ,
Մինը խիստ տգեղ, մյուսը՝ գեղեցիկ:
Մի օր տգեղը ասաց մյուսին.
«Երթանք ծովի ափ, քույրի՛կ, միասին»:
Միրունը գնաց առաջից տրտում,
Տրգեղը հետնից ոխ պահած սրտում.
Հագիվ թե ծովի ափին էր հասած,
Իր սիրուն քրրոջ գրլորեց նա ցած:
Կանչեց կիսամեռ սիրունը ջրից.
«Քուրի՛կ իմ, քուրի՛կ, փրկե՛ ինձ մահից.
Ես ունիմ տանը գեղեցիկ մանյակ,
Ա՛ն, էն քե՛զ լինի, պարզես ինձ կյանք»...
– Էն առանց քեզ էլ կարող եմ ստանալ,

Ինձնից փրկություն դու բնավ մի՛ հուսալ: —
«Քուրի՛կ, թե այդ էլ քեզ չէ բավական,
Կուտամ քեզ ոսկի պըսակ պատվական»:
– Էն առանց քեզ էլ կարող եմ ստանալ,
Ինձնից փրկություն դու բնավ մի՛ հուսալ: —
«Քուրի՛կ, մի թողնիլ դու ինձ անտերունջ,
Քեզ սիրուն փեսաս կուտամ անտրտունջ»:
Տըզեղի սիրտը դարձել էր ժեռ քար,
Քըրոջ խնդիրքը թողեց անկատար:
Ձկնորսը ծովը ձգեց մեծ ուռկան,
Բըռնեց մարմինը սիրուն աղջրկան...
Ջըրից հանեց, դըրեց ափի մոտ,
Շատ ծաղիկ ցանեց վըրան ու շատ խոտ:
Մի աշուղ անցավ, տեսավ աղջրկան,
Լացեց ու առավ, դըրեց ուսի վրան,
Տարավ իրա տուն այդ անգին գյուտը,
Չորացուց նորա մարմնու դիփի հյութը:
Գեղեցիկ տավիղ շինեց ոսկերից,
Քաղցրաձայն լարեր հյուսեց մազերից.
Երբ որ ամեն բան պատրաստեց կարգին,
Գընաց արքունիք տավիղը ձեռքին:
Երբ մտավ դահլիճ շըքեղ գարդարած,
Տեսավ տըզեղին փեսի մոտ կայնած.
Բացեց բերանը, լարերին խփեց,
Հյուրերի առջև քաղցրաձայն երգեց.
«Հընչե՛ իմ տավի՛ղ, հնչե՛ համարձակ,
Հարագատ քույրըս խըլեց իմ պսակ.
Լըսե՛, իմ ծնո՛ղ, լըսե՛ սիրակա՛ն,
Հարագատ քույրս խլեց իմ փեսան.

Լըսե՛ ժողովու՛րդ, լըսե՛ անխըռով,
Հարագատ քույրըս գըլորեց ինձ ծով»:
Մյուս օր դահիճքը խարույկ շինեցին,
Մահապարտ քըրոջ մեջը գլորեցին.
Հուրը պըլպըլաց աղջիկը կանչեց.
«Ինձ մեղաց համար աստված ինձ պատժեց»:

ՕՐՈՐՈՑԻ ԵՐԳ

Քու՛ն էղիր, պալաս, աչքըդ խուփ արա,
Նախշուն աչքերուդ քուն թող գա վրրա.
Օր-օր-օր, պալաս, օր-օր ու նանի,
Իմ (այս անունին) քունը կը տանի:

Օսկի խաչ վզիդ` քեզի պահապան,
Նարոտ կապիլ է ծարեն տեր-պապան.
Օր-օր-օր, պալաս, օր-օր ու նանի,
Իմ (այս անունին) քունը կը տանի:

Մավի հիլուններ կախիլ իմ ես ալ,
Նագար չիս առնուլ, քու՛ն եղիր, մի՛ լալ.
Օր-օր-օր, պալաս, օր-օր ու նանի,
Իմ (այս անունին) քունը կը տանի:

Աս քանի՞ մորըդ անքուն աչքովը
Անցիլ է օրեր օրոցքիդ քովը.
Օր-օր-օր, պալաս, օր-օր ու նանի,
Իմ (այս անունին) քունը կը տանի:

Օրոցքըդ օրիմ, օրով բոյ քաշիս,
Մըղկըտան ծանով սիրտըս չի մաշիս.
Օր-օր-օր, պալաս, օր-օր ու նանի,
Իմ (այս անունին) քունը կը տանի:

Գուն ալ քու՛ն էղիր, ինձի ալ քուն տուր,
Սուրբ աստվածամայր (այս անունին) քուն տուր:
Օր-օր-օր, պալաս, օր-օր ու նանի,
Ի՛ն (այս անունին) քունը կը տանի:

ԱՂԵՆ ՏԱ՞ՆՆ Է

(Նմանություն)

Ջարմանք բան է, հենց գիտենաս
Աղեք տանը չեն նըստում,
Իսկի չելավ վուր մի գըթնիմ
Աղալոին իր տընում:

– Մի՛ արմանա, պարուն Սարգիս,
Էս աշխարքի աղաթին,
Իշխանք, գանա, դու խաբար չի՞ս,
Վուր քասիբին կու ատին:

Առ օրինակ, թե մեծավուր,
Ապալետնիրը ուսին,
Գա դըրան մոտ, հարցնե աղին,
«Տա՞նն է». – տանն է, կոսին:

Նըրա Էդնից մի փեշաքար,
Էլի են նոքրին հարցնե.
«Տա՞նն է աղեն». կընծին տալով
Խեղճին իսկույն դուս կոնե:

Թե աղի մոտ լավ շուրերով

Կու գաս՝ տանը կու գրթնիս.
Վա՛յ թե չուխեդ հրնացած է,
Լավն էս է, տուն չի մըտնիս:

Թե սալոպով աղջիկ պարոն
Կու գա՝ թող ներս հրամայե,
Թե դաթիպով պատավ Ձալոն
Հարցնե՝ կոսին տանը չէ:

Թե վուր ձեռիդ քիսա բըռնած,
Պարոնին փուղ բերիլ իս,
Փառք ու պատվով ներս մըտնում իս,
Գլխի վրա տիղ ունիս:

Թե դուքանդար իս, հիսաբով
Փողի Էղնից իս Էկի,
«Տա՞նն է աղեն». կոսին – հալա
Ժամիցը տուն չի Էկի:

Էս է հիմիկվա ադաթը.
Կուգիս ջիգրից տըռաթի.
Թե քասիբ իս՝ ջուրը նընկի,
Թե խոջա իս՝ տու՛ն մըտի:

ՀԱՅ ԵՎ ՀԱՅՈՒԹՅՈՒՆ

Ո՞վ է հայր. մի՞թե նա է, որ խոսում է հայ լեզվով,
Եվ կամ՝ որի մականունը հանգում է յան մասնիկով,
Որ ուտում է ամենայն օր ճաշին տոլմա ու փըլլավ,
Կամ՝ պարծանոք միշտ հագնում է հայի գրդակ ու հալավ:

Ո՞վ է հայր, մի՞թե նա է, որ գրնում է հայի ժամ,
Ու տարենը հաղորդվում է խիստ սակավից՝ չորս անգամ,
Որ կյանքումը պաս չի կերել, ծոմ էլ պահում է նույնպես,
Հորանջելիս խաչ է կրնքում՝ բաց բերանն ու երես:

Ո՞վ է հայր. մի՞թե նա է, որ տեսնելիս տերտերին
«Օրհնյա ի տեր» պատրաստ ունի ամեն բույն իր բերնին,
Որի համար մեծ անոթ է, նաև մեղք է մահացու,
Թե գատիկի թաթախմանը չուտե թերխաշ կարմիր ձու:

Չէ, սի՛րելիս, ազգությունը չէ արտաքին արարմունք,
Հայ ծընելըդ անգամ չի տալ քեզ հայության իրավունք,
Ով կամ թե յան մականունիդ վերջի վանկի մասնիկը,
Կարմիր ձվով կամ թե անձու կատարում ես գատիկը:

Քալլա-փաշա կամ թե բորշ է ամեն օրվա կերածըդ,
Սեռտուկ, պայլտո կամ թե չուխա է վըրայի հագածըդ —
Ողջը մին է. ծեսով չես տալ ազգիդ վընաս կամ օգուտ,
Տեղը մընա ազգությունը, այդ նաև վարձ չէ հոգուդ:

Թե դու հայ ես՝ հայությունդ պիտի հարգես անպատճառ,
Հայաստանը պիտի լինի հուստ աստղդ քեզ համար.
Օտարինը դու մի ասիլ, մի էլ սիրիլ կուրորեն,
Բայց դու հայի օգուտները միշտ վեր դասե ամեննն:

Արվեստ, ուսում, շրջեղարվեստ տարածե՝ հայ ազգի մեջ,
Բայց բընությամբ միշտ հեռացուր նորա մեջեն կրոնի վեճ.
Քեզ ի՞նչ շահ է, թե դու կասես՝ հոգին բըխել է հորից,
Կամ թե որդին հոգվով սրբով անսերմ ծընունդ է մորից...

Թող, սիրելի, այդ խընդիրքը, աչքըդ դարձուր դեպ
հարավ,
Բյուր-բյուր հոգիք դու կըտեսնես կորած դորա
պատճառով,
Բայց մինչ այսօր այդ խընդիրքը մընացել է անվըճիտ,
Թույլ խելքո՞վըդ աշխատում ես քակել անքակ այդ
կընճիտ:

Միրեն՝ ազգըդ ոչ լոկ խոսքով, սիրե ինչպես քու անձը,
Նորա օգտին, թե պետք լինի, գոհե բոլոր քո գանձը.
Մի խնայիլ կյանքըդ անգամ, արյունըդ բեր նորան գոհ.
Ոչ այն հուսով, որ քու ազգը իսկույն լինի քեզնից գոհ:

Իստակ սերը չի պահանջում ամենևին տըրիտուր,
Թե տվածը ետ առնվի՝ դորան կասեն առուտուր.
Բայց վայ նոցա, որք անըզգա են յուր ազգի վիճակին,
Հազար անեծք նոցա վերա, էրնեկ շան պես սատակին:

Թե դու հայ ես՝ գիտե՛ս արդյոք՝ ով էր ազգիդ նախահայր,
Ո՞րտեղ, ո՞ր կողմ նա ընտրել էր ազգիս համար հայ
աշխարհ.

Քանի՞ տարի անկախ մընաց հայը օտար ազգերից,
Ի՞նչ էր պատճառ, որ նա ընկավ իր առաջվա փառքերից:

Ո՞ր ցրվեցավ քու խեղճ հայը, ունի՞ր այժմ օգնական,
Կա՞ մի հրնար, միջոց կամ հույս սորա կրկին նորոգման,
Թե կա հրնար՝ դու պատրա՞ստ ես անձրդ ազգիդ գոհ
անել,

Խիստ կըտըտանք, սաստիկ տանջանք, սով ու ծարավ
միշտ տանել:

Դու պատրա՞ստ ես թողնել կայքըդ, ծնողք, եղբարք
սիրական,

Միրելվույդ տեղ կըրծքիդ սեղմել միշտ մահատիթ
հըրացան.

Դու պատրա՞ստ ես անվախ երթալ թշնամիի սուրի դեմ,
Սարսափելի մահըդ տեսնել դու կարո՞ղ ես ծաղրադեմ:

Այդ ժամանակ քեզ Հայ կասեմ...

Բայց թե փորըդ տուժաններից կամ փըլավից տըռաքի,
Հավատացի՛ր, ուտելովդ օգուտ չես բերիլ ազգի:

ԱՐԱՔՍԻ ԱՐՏԱՍՈՒՔԸ

Նվեր Գևորգ Քանանյանին

Մայր Արաքսի ափերով
Քայլամուր գրնում եմ,
Հին-հին դարուց հիշատակ
Այլաց մեջը պլտրում եմ:

Բայց նոքա միշտ հեղհեղուկ,
Պըղտոր ջրով եգերքին
Դարիվ-դարիվ խփելով
Փախչում էին լալագին:

– «Արա՛քս, ինչո՞ւ ձկանց հետ
Պար չես բռնում մանկական,
Դու դեռ ծովը չի հասած
Սըգավոր ես ինձ նըման:

Ինչո՞ւ արցունք ցայտում եմ
Քո սեգ, հըպարտ աչերից,
Ինչո՞ւ արագ փախչում ես
Այդ հարագատ ափերից:

Մի՛ պըղտորիլ հատակըդ,

Հանդարտ հոսե խայտալով,
Մանկությունը քու կարճ է,
Շուտ կը հասնիս դեպի ծով:

Վարդի թրփեր թող բըսնին
Քու հյուրընկալ ափի մոտ,
Սոխակները նոցա մեջ
Երգեն մինչև առավոտ:

Մըշտադալար ուռիներ
Սառ ծոցի մեջ քու ջրին
Ճկուն ոստըն ու տերև
Թող թաց անեն տապ օրին:

Ափերիդ մոտ երգելու
Հովիվք թող գան համարձակ, —
Գառն ու ուլը քու վրճիտ
Չուրը մըսնին միշտ արձակ»:

Մեջքը ուոցուց Արաքսը,
Փրփուր հանեց իր տակից,
Ամպի նման գոռալով
Էսպես խոսեց հատակից.

– Խիզա՛խ, անմի՛տ պատանի,
Նիրհըս ինչո՞ւ դարևոր
Վրդովում ես, նորոգում
Իմ ցավերը բյուրավոր:

Միրելիի մահից ետ
Ե՞րբ ես տեսել, որ այրին
Ոտքից գրլուխ պըճնվի
Իր գարդերով թանկագին:

Որի՞ համար գարդարվիմ,
Որի՞ աչքը հրապուրեմ,
Շատերն ինձ են ասելի,
Շատերին ես օտար եմ...

Իմ ազգակից գիժ Քուռը,
Թեև այրի ինձ նման,
Ստրկորեն կրում է
Գայթակղիչի կուռ շղթան:

Բայց նա ինձ չէ օրինակ,
Ես հայ, հայիս կճանչնամ,
Օտար փեսա չուզելով,
Ես միշտ այրի կմնամ:

Կար ժամանակ, որ ես էլ՝
Շըքեղագարդ հարսի պես
Հագար ու բյուր պըշրանքով,
Փախչում էի ավերես:

Հատակս պարզ ու վճիտ,
Կոհակներըս ոլորուն,
Լուսաբերը մինչև այդ
Ջրիս միջին էր լողուն:

Ի՞նչըս մնաց էն օրից,
Ո՞ր ջըրամոտ գեղերըս,
Ո՞րը իմ շեն քաղաքից,
Ո՞ր բերկրալի տեղերըս:

Տուրքը ջըրի ամեն օր
Իր սուրբ ծոցին Արարատ
Մայրախընամ ինձ սնունդ
Պարգևում է լիառատ:

Բայց ես այս սուրբ ջրերով
Սուրբ Ակոբի աղբյուրին
Պիտի ցողեմ արտորա՞յքն
Իմ ասելի օտարին:

Մինչ իմ որդիք, – ո՞վ գիտե —
Ծարավ, նոթի, անտերունչ
Օտար աշխար հաժում են
Թույլ ոտքերով կիսաշունչ...

Հեռու՛, հեռու՛ քըշեցին
Բնիկ ազգըն իմ հայկյան,
Նորա տեղը ինձ տվին
Ազգ անկրոն, մոլեկան:

Դոցա՞ համար զարդարեմ
Իմ հյուրընկալ ավերը,
Եվ կամ դոցա՞ հրապուրեմ

Ճըպոռոտ, պըլշած աչերը:

Քանի որ իմ գավակունք
Այսպես կու մընան պանդուխտ, —
Ինձ միշտ սրգվոր կը տեսնեք,
Այս է անխաբ իմ սուրբ ուխտ...»:

Էլ չի խոսեց Արաքսը,
Հորձանք տվեց ահագին,
Օղակ-օղակ օձի պես
Առաջ սողաց մոլեգին:

ՆԿԱՐԻՉ

Նվեր Հովհաննես Պատկանյանին

Ակնապիշ, անձայն, խորհուրդ ճակատիդ,
Պատանի, ո՞ր ես մըտքով մոլորած,
Ներկ ու վրձիններ ցիր ու ցան առաջիդ,
Վշյա կըտավը քու հանդեպ փրոած:

Շո՛ւտ տուր աչերդ, նայե՛ դես ու դեն
Տե՛ս, քեզ ծաղրում է անմիտ ամբոխը,
Զարթի՛ր, սիրելի, այդ անուշ քրնեն,
Գոնե՛ մի անգամ հանե՛ քու ոխը:

Բայց դու ներում ես նոցա վեհ հոգով,
Խույ ես աշխարհի ունայն շրշուկին...
Հանկարծ աչերըդ փայլեց սուրբ շնորհքով,
Հըսկայի սիրտըդ թընդաց խիստ ուժգին:

Առիւր վրձինը, թաց արիւր ներկով,
Շունչ տվիր անշունչ կոպիտ կըտավին.
Երկնից խորհուրդը մեկնեցավ քեզմով,
Քեզ անկարելին անհայտ է բնավին:

Սեր, ատելություն, հանճար, բարկություն

Տրվիր պատկերին մատիդ շարժվածքով,
Ինչ որ չի հայտնեց ճարտարի լեզուն,

Конец ознакомительного фрагмента.

Текст предоставлен ООО «ЛитРес».

Прочитайте эту книгу целиком, [купив полную легальную версию](#) на ЛитРес.

Безопасно оплатить книгу можно банковской картой Visa, MasterCard, Maestro, со счета мобильного телефона, с платежного терминала, в салоне МТС или Связной, через PayPal, WebMoney, Яндекс.Деньги, QIWI Кошелек, бонусными картами или другим удобным Вам способом.